



柳待制文集卷之一

古詩

五言

擬古次吳彥輝編脩見寄韻

教諭泰和歐陽溥編輯  
訓導江浦郁珎 校正

昨夕芳蘭英今晨寒露萃凡物榮悴之所慎在交友  
燕燕參差飛尚自求其偶何況萬里心僅若風中柳  
服君無流黃貽我有佩玖感歎臨長河何山近牛首  
驅馳苟可及羸囊具吾糗但恐儿塗脩所期非所有  
秋曉行園覽物三詠書寄臨川孫履常  
苦瓠若懸癭宜瓢亦宜笙笙將用合雅瓢以供酌烹  
吾為苦瓠謀任力不任聲薦勞劔鼎開自足資養生  
物賤終反質吹萬豈其情

庭後雙桐樹當春各揚漉方華俟其實匪為鳳皇飢  
逡巡白露下時變物乘之陽柯色黯黯陰榦兀頽頽  
朝曦与夕暉同照亦同吹君看特立者至德豈下衰  
蓬艾著莖賴其高論尋尺在時蒼翳中初不自揀擇  
秋風一披猖束藁共狼藉兒童強解事走報著生榮  
是物豈能神虛名偶相迫四營尔何知無微安有獲  
呼兒告之故吾占用吾易

墻東時青菊

墻東時青菊墻西種叢萼萼高菊尚卑俯仰作秋意  
森脩已盈束張王密相比飄風日淒淒榮悴忽殊位  
一為斬艾侵坐闕藩離蔽以茲感時物回復臨軒砌  
孤華擢黃艷迴立有餘地馨香不凋把零落還自致

夕餐詎能飽根蒂已中棄冀與除彗何慚羨尔身後計

九月廿八日

大駕至昌平縣

回鑾向京闕佳氣拂天來千官肅迎謁奔走及輿臺  
前瞻直南曰帳殿層雲開駝鈴遠有響象馭不驚埃  
却軼升玉座甫進蒲萄醅侍儀主奉引喚仗聲如雷  
雕盤薦桃實磊落推玫瑰庶明土物愛敢覲天顏回  
退旅稱萬歲悅首三徘徊

聖人乘六龍宣光照九垓茲地適項轡秋陽薄崔嵬  
蠲復周穆廢宴見先背台繼體如舜禹其仁已深培  
陋懦職為頌感奮慚非才

奉

皇姑魯國長公主教題所藏巨然江山行舟圖

善畫如攻詩意到即奇警善其踈儻姿筆墨無容騁  
斂之纖楮間只尺萬里景巨然作江山所得盡幽夏  
冥深風雨重曠朗雲霞屏秋光滿帆腹上下天一影  
白鳥不盡飛楓林有維艇稍前牛渚磯却後瞿塘頂  
豈無乘航戒尚想然犀炳巨靈制坤軸割截尔何猛  
至今氣淋漓幅背出光耿人言此非畫与幻本同境  
然師豈幻者貞勝以其靜我来覽遺迹皦若天機乘  
巫閭東北長岷蜀西南永朱印雪消初春暉浮藻井  
開圖望神州時節躬朝請慨思禹功成重喜殷邦靖  
將鑄獄牧金明堂安九鼎

袁伯長侍講伯生伯庸二待制同赴北都却

还夜宿聯句歸以示予次韻效體發三賢一笑

杜詩詫蜀險高有石櫃閣安知居庸口可掠大白脚

馬行已崇巔鳥度尚層壑林蹊曠迷轍崖并荒田暮  
俯疑日沉車閭若風鼓橐玄雲倏揚旗朱霞粲塗鞞  
數驛程匪賒嚴裘寒更薄客魂逢酒銷鬼膽因詩愕  
蟠米將為客胡繩未宜索嚴召戒晨趨澄旻際秋廓  
紫微晶煖爛瀚海氣冥漠腰無兩鞬屬道有五丁鑿  
弭轡誰所援還衡猶屢錯小息樹吟桂爭先屬詞鐸  
非開石首造似聽郾城柝巨敵無前勅偏師當後却  
送郭子昭經歷赴淮東

嚴嚴御史府萃萃聚英彥計今玉笋班顯者半郎掾  
居中密告猷治外詳論讞我遊朝士間聞談輒心羨

胡為三十年負此一破硯子昭每相過開口竒自見  
弘璧本不貲况復加藻薦安能辭富貴尚欲志貧賤  
平明借馬出向夕擁書倦去年參元火可賀亦可唁  
端公坐南床愛士誠賸賸屈君廉訪幕首路走淮甸  
生平書檄手妙在巧裁剽誰無擾獫狁勿使滋募送  
平反奉慈母歡喜潔羞膳君子既得興小人將革面  
想當治曹暇稍稍事遊宴誠名蜀井岡看花竹西院  
古思浩無邊新語時一轉定懷京遊舊寄贈北黃絹  
交情二紀餘此別良繾綣往時娟學侶散若風蓬旋  
今我亦老醜尚復把經卷分襟各回首絮點雜花片  
重来都門道迎子十乘傳

送貢杰南南歸覲省

簡材適南山觀水至東匯形生臧舒間智出尋尺外  
自我入西離羣士日參會謬云持一鑑豈敢當品裁  
貢生晚寔來見即加畏愛時時片語出高爽無猥碎  
進從衿佩行退察輩流內器許不異口朝評絕僧背  
屬方引自近已迫期而代我老如枯畦於爾資沃漑  
胡為忽有行言買歸舟載一陰月更朔魄死明始朏  
長河夜來雨物色饒生態去者遂翺翻留者誠拘闕  
徇名苦求益或乃譏賣菜永愧堂上翁所樂清淨退  
寧將五粒松接此雙龍焙舊學待表微新聲行起賸  
趨庭重有聞作氣應再倍必觀正令申靡恤偏師北  
低昂與禽縱用處無不在終然燭火光豈掩日中沫  
我歌實勞勞尔思母昧昧眷言蕙草秋霜露不相貸

文子方寓直翰林數日即以使往雲南典選  
詩用識別

聖人御世具黜陟用明幽桓持萬里見若與一室謀  
滇池徼西南疆理六中州

皇明所照燭曠強恚恬柔緬懷國利器爵祿迺戈矛  
稍乖銓鑒宗將貽繭絲憂况提天官書往即外府籌  
孝擇命詞臣得無慎其由翰林文夫子見謂能言流  
受詞別知友大斗醕不酬襍被辭夜直出門戒晨騶  
選林古所難此事若冥搜豈無甲乙簿珠礫同一收  
施施處士議勞勞城者謳太史制褒貶在子用春秋  
將令周道正皇邱楚人休循吏果再見斯民  
得結數十輩參錯置邊陲上以昭

王度下以振儒猷吾徒分院遠被服在林立

謝無疑將歸延平留詩為別次

韻四首

平

裘葛亦何事為人司暑寒微哉一封堽欲等嵩華看  
如將射變率未免噎廢餐我貧不自遂早知行路難  
解后与君別好懷詎能安為語南飛鴻雪跡何時漫  
數路欲求賢

當宁席為側書生無籍名只尺不得夕區區冷官調  
自視培風翼坎盈豈能亨井渫誰為惻樂哉歸去辭  
河流夜未急

龜山載道南伊闕無全書遜翁受李氏一執行衆塗  
如人執著蔡於物察為魚至今表鄉學粹美不近迂

得君羈旅中滯念盡刊除譏評世亦有鑒裁我豈虛  
唯應雙劍光賁子幽貞廬

服官如服賈苟利無不然間關遠行

彼車牛牽

六越南北垂不間東西阡塞予拙於

逢飄逐回旋

可能食無魚自詫筆如椽好友不可

逝去猶飛烟

誰欵重晨招謝尔朝畫眠泥塗肯再

况欲使之年

離絃不成曲麟滕我當前

次伯庸韻賦苦寒三首

我衣疏布縫彼裘衆毛集將微禦冬具奈此飛霰夕  
衣完幸掩胫裘溫更重醲燠寒非尔私寧觀俟其復  
且無金辟寒願有犀鎮帷窮年一莞席仰脅涕流澌  
敲門求束緼彼固吝所施羨哉南簷曝一煦吾敢私

至日不通関謹此陰陽交我非壽祿身自視如露泡  
所操無宜竒謗欵寧強稍嚴風鑠肌骨此志徒嚶嚶

寄題天台王氏抱素齋

我琴雖無絃固亦微軫具渾渾大璞如正以不雕故  
置之空山間衆籟畢來赴誰其聆希音且復展幽步  
天台三萬丈瀑水若懸布想見桃華嶽風吹落新兩  
青鸞倘未來白鶴已徑度太上乃忘言吾歸抱吾素

發通州至小直沽

十年鞍馬中釋去理歸楫江光來娛人侶与我意愜  
疲勞省前痛歡喜獲新接念當有行初苟志在懷牒  
何期腰間組爵等遂凌躡外雖被寵榮內實懼顛跲  
以茲戀関情益欲務備業清霜弄晚信老樹見留葉

沽河漳潞交冰水尚可涉急棹追南鴻直不數旬決  
梅花定迎笑粲粲光生頰遠遊忘賤貧吾寧負吾銜  
貧草草南歸伯生祕監方晨赴經造馳詩見  
別舟中次韻俟便荅寄無簡伯庸贊善

講經白帟論載筆承明入此事豈在予鶴鸞正高集  
乞身去江湖幸矣歸期及于何君子心繼繼念朋習  
新詩比繡段重贈當珍醲目憐管蒯材分寸強紉緝  
賴承迂鳳輝庶遂谷駒繫

皇猷待潤色在治時所急服惟締會明基藉臺萊立  
斯文仗公等別袂不須執

過大野澤

為澤濟沅安得通溟涵就深廣蟠際渺西東

揭帆入洪濶盡此一日風青山若浮髻隱見雲烟中  
不知何鄉聚欲辨已冥蒙茲惟開闢水豈固䟽鑿功  
指小以成大地利迺豐崇至今徐交郊桑麻歲茫茫  
賄遷擅工賈組麗連僕僮矧時漕事興舟航密如蓬  
寶藏在山海其益無終窮一令民生遂坐致國本充  
非吾黃帽郎孰訊白鳧翁

沽頭阻淺

傾囊作舟傭頗意遂所往進止由他人何異車在軌  
沽頭臨開水寒淺不容槳小待得微濶器譟爭下上  
強挽纜一篙退却已數丈雨船忽振觸石際憂餘響  
前船如釋棚後船如脫襪回頭望欹岸心折猶愴怳  
投艱始誰偏出險終自調却懷乘木功在易垂豕豕



夫知理即事豈有患非想歸鳥尚依樊游魚亦驚網  
人生羈旅中百歲徒壞壞白雲何方來相招洪子顙  
雪霽得風徑過高郵

乘舟得順風如鳥新插羽魔湖五十里浪破雪花舞  
不知岸勢迴歎覺帆力舉却望烟中竿參差數家聚  
高沙舊遊處酒賤魚可煮伸眉一笑粲對面九疑阻  
得非龍愛珠逞儁挾雙艣意令明月胎光燄悶不吐  
我詩初未工聊用相媚媼後朝妙高臺呼雲作吳語

晚渡揚子江未至甘露寺城下潮退閣舟風

雨竟夕

鼓柁凌濤江江光晚未薄相望鐵甕城正值沙水落  
難長洲渚出月黑風雨作歌眠聽春浪夢枕生新愕

起吟不成魔但怯體中惡金焦兩浮萍天塹何恨著  
意令制溟渤帖帖就疏淪奈何潮汐舟只尺限前却  
方冬百泉縮潦淨海為壑乘流俟滿魄明夕異今昨  
快呼北府酒暖客慰離索庶曰行路難幸識還山樂

贈王玄翰

无貞元二禩我願未垂顛吳遊一長鋏欲以鈍為鉅  
躋攀群公問躡步限堂廉在我履藉正從渠藩級嚴  
維時許与分金繒不徒無坐中清觀氏頽身高帽簷  
傾懷指道要恐此後益殲我鷄但耳受語味詎能麩  
謂方偶并運豈遂歎中淹寒暑三紀餘往來如痲疔  
清觀已下地白髮我日添徵言駭今見信若龜兆占  
斯文大圓鏡有目人得覘柰何復反剝不遺洪入織

竭來豫章城東口類遭拙聽談雖豐豐閉息但厭厭  
道逢羨少年進止一無嫌揭子為我言其人詳視瞻  
家微百金產架有羣書籤煌煌定武宗緬彼世澤漸  
清觀我故友有子在窮閭技富愈思蓄時來當發潛  
我為想顏色覆鑑併收奩邨令毀龜玉不卒舉魚鹽  
促坐席屢改風回雨飄簾寒廳惡草具觴至時一拈  
掇看養花法賴人加蓋苦雖承天澤滋更畏夏光炎  
又聞日月華西淪則東遲藏景閔陽曜出幽縣素蟾  
木功能拯漫池道有流謙育材我豈敢贈子以安恬  
我歌實激烈誰為指与黔逢歸絮我酒宿草尔其露  
社原父自清江訪予鍾陵留款旬餘將還武

夷山中

原父志完潔聞道實先吾定交自錢塘暑霜二十踰  
京華亦繼見失路各崎嶇區區抱兩瑟混合萬齊竽  
吾人許与心固有弗占孚講談必跋燭遊行每聯裾  
蒙霧不知潤披荒纔啓途君歸得超越我留類跼拘  
八年忝京秩踏鼓厭晨趨偶紆江西綬言訪玉人芻  
企瞻雲谷雲隨風時卷舒夢中反招隱覺來聞過車  
感別欣既見相看情紛如數宵復款洽深懷為之攄  
歎息吾道存斯文豈其孤後至邈未逢前行逝將阻  
寧觀以俟之曷日免淪胥吾年屬須眠追惟刪述初  
英莖以論樂點畫以成書有理有嚴形道隱言亦蕪  
擊蒙非揣想教詔得昭蘇新聞起吾聽宿說詎能誣  
匆匆上瀨船言返粵山居慢亭老曾孫道景駭雲興

計程兩旬決到家改蟾蜍况茲詩書窰只尺文公廬  
漱芳酌巖液濟道擷烟腴初非山水淫將為造化徒  
定開懷友軒呼童重汛除布造齊舊帙掃壁張新畝  
友道繫倫理別夕會常踈津津麗澤益許許伐木呼  
詩人有行涉尚或歌叩須所以千里駕但取一夕娛  
存歿与升沉蹈道本無殊跡往雖異方神遊實同區  
落月屋梁色踈梅窓外株此意方稟稟微君誰起予  
勉勉雞黍期茫茫冠蓋衢矣詩慚報貺緬彼貂襜褕  
危太樸自金溪來訪留館兼旬因歸有贈  
數日出恒早旋歸已疲劇思睡方未暝強起臨几席  
席間有佳友来来千里屐所來非健羨亦不畏名迹  
謂吾昔求學頗嘗窺窾卻欲要一夕談以慰百年役

寤疑則豈敢辨義能亡益斯文千載後泮洩抵離析  
不有高朗姿誰完超距力夫道非遠人何嘗繫微索  
譬如山出泉其初論涓滴滄涵就滄廣千流同一脉  
掀掀鼓雲濤帖帖輸溟渤是氣中乘陵無吹亦無息  
文章道之英各亦隨所覲草木紛以滋何嘗須粉澤  
生機一發越形色自不隔吾聞古作者巖巖垂典式  
履正有夷途胡行猶墮埴韓公起扶藜文字欲適職  
取新非厭常通變由知易襄遲豈復進侯子聖吾壁  
東風迫歸期未了千日客少留慰將遠芳草萋以碧  
諒我君子心永言若金錫縣知筐筥羸不廢秉檠積  
勉勉他日思為寄束飛翼

題謀姆授道許桂陽圖

阿姆孕氣胎萬生皆其嬰大兒太素童小兒丹元精  
解后執忤悅御輪遊九清玉妃左右賜璧月東西傾  
遊去八景滅留觀三秀榮赤文大洞書纍纍滿囊盛  
紛吾弟子職若昔列僊卿登壇授受已溘然乘雲從  
前行擁豹節後車載霓旌鳳飛亦既遠簫勺有餘聲  
匪觀蹈道機曷識顧養情茫茫大九州裨海環一瀛  
誰者為蟻螻誰者為鱣鯨稽首阿姆言吾今亦長生  
葆冲摠群粹億齡歌太平

三月廿五日予至官滿歲矣雨中言懷

去歲今日雨懷組泣官初凌晨入茲宅載家借誰車  
既欣就夷曠稍復加漑除前榮布筵几後檻栖琴書  
莞簟已豐若庖園亦班如閑官詎免俗拙性匪求餘

幸無外申縛無謝朱墨拘荏苒年運往淒涼宦轍迂  
及暮當報政省已媿懷居庭花不吾背簷沫屢相濡  
天澤自茲厚土思邨得無億去禮寺秩久遠朝士裾  
非才職教育希世忝名譽常恐後啼鴉安能同賦狙  
此邦望吳楚其鏡倚衡廬古人不並世下里謗工斲  
乍可懸我榻誰將束彼芻青青莓苔地翳翳樂竹墟  
令節感慨集私憂報効踈哦詩以自訟庶用砭其愚  
宜春盧付謨將老好遊

江水日夜下江帆朝暮開趨名与服賈什伯覽汾泗  
豈有挾勝具翩然動高桅桅前風水壯浪雪捲成堆  
奔奔滄海入還還青山來易柁汎淮泗隨雲望登萊  
中原造几間恒碣雨尊疊覽古發燕歌歌上最高臺

徑陳東皇席遙酌北斗魁邠無瀛洲客引袂升九閔  
織女弄機杼天章不難裁談諧得珠班服佩綴瓊瑰  
手攜蟠桃實自吟還自吟却願井上瓶幾為党所輻  
丈夫屬有念洪恩亦何哉借君三尺筵掃我一寸埃  
舉頭謝黃鵠不敢恨低摧

三都堂詩

高昌僕輦部族望維世卿濟濟効臣順振羽遙王庭  
服襲鄒魯化將肉仁義行曰茲命僕氏本其所從生  
再世表三節秉心有一誠若音淮安王受詔始南征  
都運隸麾下實以材武名擢為主餉吏資糧有餘贏  
論事舉其要賞功取其輕卑提海王篇前臨百粵城  
禦寇適不利忼慨死於兵其精凝為神其氣引為星

雖死得死所義烈猶光晶夫人屬盛年燈孤影煢煢  
寄家萬里外收涕撫其嬰義方教以正明德祀維馨  
中嘗得劇疾液齊弗能平元帥方在禔隱憂為屏營  
引刀剗股肉和糜加飪烹兒手奉進膳母躬欣載寧  
嫠居四十春門戶底重禁何必柏舟擔旦旦申其情  
是家天所厚於聲恟琴笙臣忠則子孝為婦德維貞  
自靖以所安大節見爭嶸藝黍黍已熟種槐槐已成  
築堂備賓祭大書扁中楹非徒尊取羨固將遺世程  
元帥屢刺節擊孳著能聲肆今右廣鉞一掃妖氛清  
世稱為臣表士望為國楨寔然詩禮門日以謙浩盈  
五子咸秀發文場並蜚英翩翩臺閣武壘壘雲霄矧  
常義有聲報如獲必於耕翁炊而季食左右列劔羹

飽腹亦飽人大田歲多杭普令四海飢悉得烹殺  
漕此忠孝源澤彼瘦瘵氓庶明國家盛育材樂我菁  
休七世孫珥貂聯珮珩奮建萬石家乘軒填里門  
是豈無本坎培覆因栽傾予忝元帥遊山立仰儀刑  
伯子矧同朝早嘗接紳纓錢塘偶參聚話舊歎蓬萍  
歌有三節章酒無雙玉瓶登堂介眉壽為予寄嚶嚶  
送兼生以相墓之術西遊婺源

公劉昔居幽匪占龜獨契景岡觀流泉相土辨形位  
抱陽而負陰生生此其類後乎幽為周亦十渥水滋  
十稽惟洽食會同四方至宅中以圖大自時保成又  
遂令堪輿家原本誇術知險固金湯如踞盤龍扇示  
論節雖在德其次當審勢茫茫大九州河山列經緯

三條來自西天馬掣鞿轡振迅或驍騰安行或容曳  
須塵或慄立踈足或驚蹶或攀遊龍驤或笮浮雲逝  
或為春絮揚或作龜爪繩錯或黼采明斷或旗旂綴  
大將域斯邑小則穿彼隧墓宅如流查亦各寄所寄  
天地發蓋函形實不離器若然陰映厚翕受皆沐氣  
所以石窆封閱世若郵置古人重擇術耕者必斂穡  
不見相墓師一言興孝弟永惟死有藏如生宅郊遂  
歲時履瑩域魂魄瞻髣髴五行象在天五氣應於地  
罔繼以順動積止無頗陂青囊一卷書折理垂教思  
奈何世之人伐同以為異不有儒家流誰其覈訛偽  
葉君墳史業間亦游于藝看山目光炯抉摘破幽閔  
前年入天台屢捐浮丘袂去歲駕晉濤載鼓吳門拙

諸師鈴記存荒語涉奇詭冥觀領其妙射覆不待議  
有來證所聞斷舌稱唯唯昔昧今已章按求初匪貳  
命醜展芳筵承筐陳厚幣藝成當賞酬千金詎難致  
今晨風日佳君來我方寐迎門肅而入促席談斐豐  
留行莫我以去若驚飈駛問程上江東馬銜車掛轡  
婺源万山叢豁谷冒森邃靈秀之所鍾不獨專品彙  
企哉黃墩里藏榮在金鎖其言實繫道大明仰東出  
彼邦多俊英彪炳人門懸賓延計恐後旦復羞昇饋  
梯裨迺有秋穡事豈終廢學為有用學士非以自媚  
蜀莊譚老子曰晏坐簾肆爽麗極忠孝聰者知砥礪  
矧是勸尊親無窮待來襲吾誠苟未至何以承賓祭  
觀采非卑居洒削猶薄伎勉勉君子心無入不弘毅

荃蘭本根在芳馨期晚歲

歲莫雜言四首

少學老無成所守但糟粕譬如福与市涉海求靈藥  
豈不望三山風至輒引却歲闌坐窮陋青燈映疎箔  
雖微白足禪自置丹霞縛賤貧吾所安飲水老足樂  
東鄰日推牛得似西鄰禴

中年鞍馬間所歷萬里途髀肉亦既消夢驚還一呼  
讀史窺古人恨時不能俱寧知遠遊躅足躡雙飛鳧  
漠北松亭塞燕南替瓦圖居今采奇迹未覺吾行迂  
歲晚重思之天高明月孤  
梅花彼粲者玉立庭戶間攝衣起從之重是冰雪顏  
馨香不可挽百繞亦空還我老詩力退管窺無全斑

奈何被花惱語出恐遭刪誰持明月珠置我羅浮山  
無詩有重罰當爾三百錢

里中四三友論交嘗莫逆自我遠行邁廿載成乖隔  
今歸僅有存生理各崩迫經時不一晤寐想猶如昔  
閉門風霰中何以求今夕不見萬松根澌澌養靈魄  
吾寧獨夕壽持遺同懷客

小至日獨坐誦太玄首序有感而賦

泰始十八筴積終用踦羸日星相緯經法律應迺施  
行羣餘容養受盛氣自中萌君子乘其運進退無營  
營微陽力雖小得與重陰爭我時掩閑坐休復觀此  
生巔靈尚思及闕博以全明文規安用哉自然元道  
成

尊經堂詩有序

昔趙人安先生以布衣教授里中哀輯群書大備經  
訓使子若孫採擷芳華厭滿膏澤有餘則推之以及  
其鄉之人焉去今五十年尊其書猶尊先生即名其  
堂尊經堂曰此先生之志也太史屬蘇君伯脩嘗受  
經於先生之孫最為得安氏之學者乃來請詩刻寔  
堂上噫書在安氏而其泐人之功獨安氏哉詩曰  
聖人言純如載道行萬世貞明配日月廣大侔天地  
簡牘之所資包絡無巨細上而建皇極重觀人文麗  
下以開民彝性初均秉為訓行宣光熙道否隔氣曠  
千人萬人心揭揭皆經誼此息則波消剛柔乃殊位  
進乘休復機迪摺蹈仁智自絕其本根奈何取天剝



燔滅滋秦瘞因羅興漢利存亡書豈知論者常不置  
濟南耄言出孔辭發神祕百篇始昭乘五代著成又  
魯齊韓毛詩其傳迭興廢審音以知樂亦各徵四至  
樂崩名僅存緬想歌鍾肆禮失野可求誰明射鄉義  
制氏記鏗鏘后蒼詳數制區區象聲容詎得作者意  
賴夫春秋家尚識王道貴載事或稱誣推凡疑翼偽  
田何受孔易其全緣卜筮揚施孟梁徒別出踵焦費  
扶書律始除六籍豈俱逝傷哉居下流衆惡所犇萃  
駕言拾灰殘我道猶未墜乘之以顛門中復縻讖緯  
黨同護朽竹攻弱擊枯骨文字日荻滋編策亦鱗比  
孟荀與揚韓先後參與衛擇精語益詳炳炳詔來稟  
一籥節衆音八風無濫吹方張乃遂翕已矣更五季

大明升殷郊熒奎一屬炎慧春陵南標正陝洛黃離繼  
經世偶潛虛象圖合而異奉隅崖無反僅若小星睇  
朏朏紫陽翁敷賁瞭群眎在時張呂間建學時趨詣  
一鼓最行無菊八區同教肆矧茲龍德中美化純漸被  
家書動盈屋人各事康濟恭惟罔極恩聖括布嘉惠  
經尊道則尊有合嚴度寘覆之以堂庭牖戶亦崇邃  
古史洎今詮珠駢而玉綴高名以經揭酌原知水味  
譬如登高嶽岡阜左右睇草木沅華滋灼雲撒纖翳  
觀生老其間面背俱盡眸豈惟一身謀直作數世計  
是家離石宗遭亂藁城寄劬書自玉峰畱播實深概  
子孫刈其熟穰穰收秉穗後來及門士妙合若龜契  
尊聞行所知况復躬自致過逢詫師資忍負築塲志

我願安氏堂廣作天下治矜式表國都弦歌行黨術  
蓄誠以端蒙達生以知類博典叙彝倫三郊而五禘  
與世開隆平吾經固無累自微可之顯道豈不在器  
世間有形物展轉資弊弊遊談亦何根閣束祇自棄  
是將比鎮寶前人所敷遺手澤尚鮮新一展一流涕  
晝誦夕思之上帝儼臨泣作詩諗蘇子孫曾戒無替  
鄭景明載醪携餉招游左溪山訪朗大師遺  
跡觀廡間李華碑命二三友生搨得墨本已  
復陟東北絕巘至大師藏空石壁下衆壑生  
寒夕陽散來躑躅攬睇追晚始歸歸而成詩  
異境闕巖壑地神不輒售必逢僧寶珠窵啓方界授  
左溪掖仙華山山蓄靈秀蒸霞作嵐霏洩雲出欺竇

朗公脩何行宴寂併昏晝及其止觀成白月飛光透  
巖巖絕壁下臺殿聳遺構誰初歲舍利駕說色槲樞  
到今亂石間鬼物儼居守殘僧數十輩袂袖裹猿枕  
依憑像教力逢年足糲糲安知大法衰已偏三季後  
我家一舍餘瞻雲每東首白髮既徂齡松門迺重扣  
入谷變晴陰出林占氣候西風戒新寒黃葉聚盈帚  
疊閣象搆巢鱗鱗各開牖景暎塵已空神超坐滋久  
摩挲李華碑楷畫辨跟跣固惟製作精所以能不朽  
搨墨雖模糊尚可形篆籀還乘不盡興更應最高阜  
鞭石障卯風無乃巨靈剖川岳奠方維坤輿鰲背負  
豈為一比丘請張啓荒陋不然秉佛慧正以鐫俗謬  
大師弘經者此道嘗獨厚我來證所聞出意亦知不

仰睇圓顙天俯閱古今宙是山矗危巔實自開闢有  
青冥逼虛空渾璞謝雕鏤中峯眎羣嶽僅若綦組綬  
而况原隰色遠近錯文繡灑氣方襲人落景已御岫  
從來四五客一二耆年舊餘如芳蘭茗服美無繅就  
佳哉采真游吾襄恐難又

旦發漁浦夕宿大浪灘上

張帆得順風飛鴻與爭疾後浪蹙亦舒前山過如失  
桐江轉數灣上瀨未入日篙工享安便坐穩頭屢擲  
人生倚造物理微難究詰處順安可常離憂詎能必  
白鷗知此情故向波間沒

柳待制文集卷之一

柳待制文集卷之二

古詩

五言

度居庸關

教諭泰和歐陽溥編輯  
訓導江浦郁珎校正

居庸翔方塞始入雨崖張行行轉石角細路縈澗岡  
層壑倒天影半林漏晨光峭嶽里四十所歷萬羊腸  
千轅絡前後兩軌通中央谷開稍夷曠在險獲康莊  
豈唯遂生聚列屢叅鷹行激流或機磴架广亦僧坊  
我来山水窟愛此不能忘是日新雨已浮嵐亂霏裳  
水聲與石鬪風飄韵清商躅轡不知高游雲翼起驟  
芳牒曩有聞經途今始詳細惟古塞北八州猶漢疆  
控扼識形勢會同知樂康屬茲景運開六服聯綏荒

兩京備巡幸離宮岌相望守歲將孝制如祠匪求祥  
式瞻龍德中足徵皇業昌請繼王會篇勿廢祁招章  
李老谷聞子規

杜老聞子規近在東西川猶云感時物投淚寫幽憤  
今我行塞徼子規相後先時夏雲景晦鳥呼搖空烟  
響入樹窅窅啼垂血濺濺想知岐路難不恤軀命全  
千聲復萬聲喚我歸言遄苟非木石心豈免腸內煎  
江南叢薄間有花名杜鶻開時是鳥至相戒治春田  
不歸如江水負此今五季風土孰云異物情要有遷  
寄巢勿浪出祝尔還自憐嚴程趣行邁且復揮吾鞭

龍門

一溪瓜蔓流渡者云可亂屢涉途已窮前臨波始漫

嚴嚴龍門峽石破兩崖半沙浪深尺餘灣洄觸恨岸  
它山或澍雨湍漲輒廉悍頃刻漂車輪霸絡不能絆  
其源想非遠衆水自茲濫濟淺抑何艱慮盈疑及患  
峯陰轉亭午出險馬蹄散草路且勿驅烟開望前館

望李陵臺

平沙北此流水青山在其上李陵思鄉臺駐馬一西向  
草根含餘淒峯尖入寒望俚言雖莫稽陳跡尚可訪  
想其深入初步卒出林壯手張天子威氣奪名主帳  
覆軍陷因虜此志迺大安一為情愛牽皇恤身名喪  
縷縷中郎書挽使同跌踢安知臣節恭之死不易諒  
河梁執別處出語謾惆悵家聲故焯赫三世漢飛將  
兵法有死生人運迭休旺忠回在信史豈沒功罪狀

馬遷當腐刑強欲雪其謫士思豈能無層雲塞亭障  
十年麒麟圖吾將執玄嘗

五月八日至上都國子監作

今晨得佳馬驛行趨上京却顧沙卷幕前瞻車載旌  
翠華或鳴蹕肅肅遠有聲馳道無十里雲開雙關明  
跡既阻奉引班非陪列鄉言尋園壁宮紆徐臨雉城  
第地三數畝虛堂十餘楹稍加溉掃勤得遂憩息清  
韓公博士年實教東都生今我最冗官懷鉉從北征  
古來玄朔地雅頌爾鏗轟豐芭德甚廣韋編義尤精  
前脩有軌轍後生多俊英抑將授何業可使器早成  
寧無子衿刺僅免吏牘嬰高居謝暑濁曠矣羲皇情  
曉發龍門次獨石賦呈楊廷鎮脩誤

日日思南歸乃送北風去北風不似客吹雪作寒  
五日當發龍門一昔屢驚怖男兒事結束辛若在岐路  
奉命有程期遭迴豈吾據沙平占斗行野斷蹴水渡  
重貂籠裘帽矯矯若紉素據鞍肌骨痛勁氣腸內注  
口鼻一吸噓噴嘔髮頂上露露泫已成澌虬張本非怒  
瞻前獨石近投館薪火具聯鑣有佳友執醖起相語  
我實孱懦姿踰五已斜暮隩居尚少欣遠役宜多懼  
明廷集鷓鸞燕雀一二數曷不捐半赫啜菹隨所慕  
置危而易安正以縻爵故先廬越西阨亦有返耕處  
吾聞知幾士顏子其殆庶翩翩不遠復綽綽有餘裕  
贈君白雲篇還我歸田賦

乘海青車過赤城鵬窩

小車輦為巾中箱劣客坐服轅一牡良貼鞞兩駮佐  
輕行涉嶺坂捷若風鶻過手雖息鞭箠身已倦軒歎  
世間取快事往往遭蹶挫吾歸亦是客奔迫理誠那  
緩馭良自佳山光曉來破一瞬數里踰浮青猶幾箇  
逢迎不我舍知我行意情故園果下駒三歲想豚馱  
閑後白社遊間即豐艸卧成吾看山福豈不在老大  
送俞伯貞祝蕃遠下第南還三首

關塗將進賢設科大蒐羅有司執衡度稱物平無頗  
一語不從律萬言徒自訛微伸已什百小軋能幾多  
完此不雕五虹光巨巖阿  
栖遲兜園讀已後澤宮射兩豪吾所賢九軌看方駕  
奈何恩子第竟使劉蕢下文章如羣龍其智可變化

乘乾忌孤剛君子有時舍

北學自姬孔此道日星垂春陵建南標紫陽煖重微  
何嘗限風氣但務開民彝我昔笑詞翰屢亦逢點嗤  
歸歟理吾書與子指繩期

十二月七夜畏寒無寐閱陳景仁都曹雲南  
行卷為和雜詩八首用其韻而不用其意蓋  
景仁之作在賦詠而子之狂言則發於與此  
之間要不必同也

古樂入今耳間歌纔一成頌鍾在高懸淫哇不能聲  
彼昏但坐睡我聽心和平曷不薦廟郊使之配咸英  
式觀三维拜遂陪千畝耕  
天驥不可得我嘗有其圖非無相馬法僅出智之餘

騏驎與騶駱一一隨指呼踈齧惟豈異區不意何歎  
求之銜糜間徒以利爲漁卑哉論形侶蹄泚語江湖  
豪氣久已無詩成羞自喜是中高高樓安敢卧餘子  
十步九跋躑百年三仕已方輪豈能行曲几無足倚  
有田歸去來編名附閭里  
青山引寒望趙北與燕南孰云古人跡不使令人探  
謬從下士秩草服裹朱藍聽雞鼓統統懷謁府潭潭  
孱顏入我夢五年心內慚此立元不愚彼泉豈其貪  
一咲擲憂患浮曦在圓庵

日月相麗行有時而吳虧君看明堂柱基構實丕丕  
人心即天理何嘗有歆危制政自帷幄流風被疆陲  
轉旋乾坤正網紀賴不隳已日歎茅草繼明仰重離

歲功適已成邗寒無怨咨

嘗聞學道人即有以觀無如何彈鋏聲嗟嗟爲車魚  
董生漢儒者卓哉彼丈夫當時江都相豈視大梁屠  
仁義言藹如我與夕踟躕

隙君自少年高步已青霄迹來鞍馬間髀肉漸漸銷  
美玉琢廟單朝不冊以瑤乃令坐郎署兩鬢日蕭蕭  
君子尚難進躁夫率狂飄皮冠豈非禮寄謝虞人招  
大龜尺二寸至竟有何神備物使納錫乃在九江濱  
我昔用支床吐故以納新苟能避鑽灼何必愧泥塵  
養生實有主徇名豈其賔

舟次衢州

迢然青霞君問我廿年別南泗復西沉有行何屑屑

京塵若未洗玄葆變霜茁是身本不貧吾計乃自謫  
情知祿萬鍾顧豈在筆舌毛雖強解事塗林豈駕說  
從誰飾竿牘若已負羈紲停舟此水濱滯慮一凜雪  
可能招翔鸞爲尔恨啼鳩玆重幽桂叢高枝待予結  
晚泊貴溪遊象山招真觀

舟行弋陽道山石多異狀歎空露鍾竅屹立儼珪  
泓洄百數里瓔鐵森相向最竒象巖下仙館占丹嶂  
含擢遵微行松篁描雲上開門看青壁左右挾高關  
飛雨灑面來輕颺入簷颺道人出迎客牖戶坐南嚮  
延登昇僊臺境肅神滋王不知日車側但覺天宇曠  
我生名山遊正費屐幾屨未真喜初遇戀勝期屢訪  
布帆催夕舉未敢恨飄蕩水深彭蠡湖回眸更東望

杜家三甥潯陽官滿明年當致其事來洪都  
取薦牘却攜家東歸留連數旬醉吟惜別

甥家內外嫻十七著門闕鼎遷變則大強半異存沒  
沒者風燼銷存者枯株杭宦遊四十年翁今亦華髮  
征商上孝第休致迫期月取別未枉途親情爲之竭  
小留寧久久御見圓蟾缺官餐無厚味歸袂當明發  
言尋九江柁轉上吳門笈還山朱夏初生事及薇蕨  
歡顏撫群釋一洗道間暘仕宦至懸車如射釋於筭  
又如解奔鞅回謝彼銜縻遂收塵土軀併棄權問謁  
百年百醉醒飄風幾何忽背雖無貽文頭已有壽骨  
飲水看三丘青山青碑兀

送劉叔謹赴潮州韓山山長



揭陽海陬郡谿谷藏霧毒買區乃在城積居踣南服  
凡今仕者徃喜氣溢僮僕非輕万里途蓋善千金蓄  
子行攜來書言就韓山讀韓山祀昌黎有酒有肴菽  
騎麟想來過盱眙攬遺躅汛除蠻風清浩漑時雨足  
以茲為教首如日升若木何必鰐避溪已看雞應十  
今人慕古人未免傷抑促儒官實閑散歲廩七十斛  
飽飯取詩我雲月與追逐寧無趙子徒彈琴和予筑  
是將實裝橐果勝美梁肉毋羞雀輒卑所志三年穀  
子其厚韓山聽我歌獨漉我歌儻無證併訊兩黃鵠  
康端玉蔡輔之和予言懷之作清整可愛日  
再用韻答贈二友  
自吾得二友所譚皆古初如臨左右鑑併引後前車

相觀善已至薄發穢全除詩成諷在口道契微諸

書並秀方卓尔早

獨紛如念茲鈔槩業未棄櫟斷

餘衆塵適可

一袂豈勝拘間因邪

仆覆謂正途

迂賦無籍鸚鵡祀有又

居大雅屬

斯文竊涵濡

自彼枯葉改何嘗本根無裁將騏驎對飾作馬牛裾

世雖混空聖人公毀譽虞箴不在歌士

僅如狙凡

物有合非

能虛區、學章句吐、事歌歛

若已困糟糠

從新芻涓流積至海廣陌奔

成墟吾徒慎脩習世好等辛辣虫、善實者取謚信為鬼

林敬與將赴宜春筦庫之任過鍾陵訪予官舍

道別來出家相對惘然即賦為贈

吾聞

氏鼓琴息其生

者可無

謂琴有

成

絃備之以聲形亦何至治

卒負不平鳴

敬與江夏來又欲西南征闊別十五年撫鏡各星星  
人生不滿百憂患每相嬰

否債車無折衡

孔孟猶光晶

者有要歸体用實 行無

奇制其羸

此事足為 豈以仕易

眼秋葉零

宿柔尚可 息炬自全明宜者

山水刻且清

便將變爨比益使賦 精

為好苦力特易盈

消我塵土胸 君 英進琴

語為恣別時情

送富州章仲實判官

豐城縣為州民器事業叢雖憑

未底枏楊卧

吾原共理心憂不在吏課

芒刃能勿挫

章君一屏星駕用良馬馱人言甲科節屈跡郡丞佐

置之奔輪間寸跬無少蹉夫知勤保惠不計滅寒餓

才多適自煩有席不暖坐最其芻牧功連罷富杭稷

君去誰則來毛髮責吾過今年秋風高更畏茅屋破

吾聞為歎息此道無坎珂詩書有利澤元造所留播

是心苟不存卿相徒尔大起瞻東壁明詎患南箕簸

君懷有至寶萬金難並偵慎德抑良圖餘事堪一唾

行舟未覺遠雲樹渺千箇寄聲執法家須君警貪惰

鄭萬里再赴廣東辟書題其所藏深村晚景

圖因以贈別

江西到南海滿橐貯山川融液出賸語泉珠瀉勻圓

誰無疑惹管我見皆雲烟餘情在所寄手把無聲扁

褰開攬秀色群玉數峰前  
洪崖頷之笑言嘗拍其肩  
豈有雙大阿埋晶牛斗邊  
寒廳夜來夢五羊載五僊  
騰景道君御海童歌後先  
澗中菖蒲根綠節如蜿蜒  
漑烹作鼎實薦進旅盤筵  
是物能益氣於人可長年  
唯應雲中君解頰爲君妍  
功名未無期進思方沛然  
題詩代畫記蹇淺詎堪絃

題牕外木粟叢

木粟比經雨抽稍將過尋  
藩籬苦不高爭長意駸駸  
愛此莖葉間綠縟映蕭森  
簷前數步地藉以成幽陰  
稍令晨光薄豈憚午暑侵  
我屋如橫舟風來一開襟  
淮浦萑蒿岸越江篁竹林  
似人見眉睫夫喜聞挈音  
薪秭供歲晚糗糧侍秋深  
小得償作勞不歸如此心

貞一鍊師遣舟輿招遊玉隆留詩山中

故人丹丘侶招我雲林行  
雲中逍遙君高居白玉林  
不知幾塵隔笑領相逢迎  
肩輿五十里細路田間縈  
半途迫曛黑一炬借微明  
映壑臺殿出八林風物清  
曠然莽蒼墟翠氣鬱崢嶸  
仰見星斗光安眠已三更  
晨升紫蘭藉辦香致吾誠  
何期奔走中獲踐仙者庭  
晉柏已槎枿柯葉上青青  
海桑知幾撥風霜亦屢驚  
使非丹液滋即是劔器精  
至今咳陞邊鸞鶴時來停  
五馬昔浮江龍戰方縱橫  
楚氛則甚惡觸波多駭鯨  
神兵一飛出坤道載承寧  
悠哉微禹歎但詫仙道成  
斑斑函白迹古石託堅貞  
如求造化樞揣想以其形  
白雲在遙天何嘗繫浮蒸  
已去忽復來神存於杳冥

四溟環五嶽茫茫大八紘仙君所過化山川實揚靈  
年年八月秋來歸雲作輶至人懷其鄉其心常怲怲  
麻姑後千載時猶過蔡經弭節城陽宅亦有許宣平  
錦帷雖飄去闕堂樹瓊旌况茲賢主人重有能詩聲  
口吟藁珠篇手攀琪樹英客至輒授館命庖羞膳烹  
時春雜花發景風暢新晴開軒得憇息衆鳥方嚶嚶  
覽物忽有興睠然懷友生京遊我維舊嘗同車笠盟  
既果名山期復愜滄洲情申歌不成章聊希蚓竅鳴  
渡湖宿麻子港口

青山彭蠡尾湖水始生岸一舸破微瀾風帆用其半  
亂流二百里午發至未旣蒼茫洲景中明滅津烟畔  
數家小聚落漁竈倚灘爨舊聞萑蒲間弱肉飽強悍

時平道路清跋涉得無患豈非年穀豐禮義能服叛  
巖巖主湖神牲酒滿枉案乞靈我豈敢雲黑檣烏散  
艣師促轉柁軋軋鳴鶩鶴前瞻麻子洲波面明星爛  
新別重有懷縣情如此案

重遊象山昭真觀憩祝冊陽齋迨晚登舟作  
幅仄小舟中動目喜清曠僊山在眉睫彩翠紛千狀  
林扉延客步入谷跡逾放羽广如扉廊灑瀑層雲上  
不見泉液滋但覺池流漲烟霞儘清淑草木無穴長  
古人所題字鐫刻尚道壯不然身後名千載有真妄  
山中冊陽子與我同稚尚京華十年別相對疑夢想  
鬢髮將還童樂成猶靜養寒閨曲密房苦笋煮可餉  
病身正怯飲坐息得踈暢欲起復徘徊簷陰稍移丈

東歸路更長  
篙師催進榜

我昔京城居

我昔京城居  
思山見山少  
今還蓬廬卧  
山雲日繚繞  
青山如高人  
特立萬物表  
方思謂有饜  
夕翫復不飽  
門前再成丘  
其上可延眺  
罔意四塞中  
菽翳一蓋小  
烟雲所出沒  
變態異昏曉  
宇宙幾塵漚  
心日俱照了  
孰大混鴻濛  
孰細入芒杪  
不必載凡輿  
超騰閱齊趙  
茲惟龜殼屋  
左右幕篁條  
習忠我豈能  
况欲觀其微  
靈景既內澄  
游紛徒外擾  
推琴跋殘燭  
閑戶月皎皎

曹尊師求白雲樓詩

鍊師養母處  
白雲藹兆丸  
朝飛暎皓鶴  
暮返隨青鸞  
興言芝水滄  
未貸菽水歡  
毋年不滿百  
真歸葬空山

雲來復雲去  
淡哉詎能看  
飄飄簷簷前  
景杳沒堂上  
顏  
茫茫天地間  
人雲同一觀  
故雖僊者形  
安能夕堅完  
逝川日法法  
理定無回瀾  
名教信可樂  
孝行垂不刊  
吾聞樓居人  
鋤雲種琅玕  
大冊幾時熟  
吾當候僊壇

昔仙華方先生  
脫最嗜吟吾鄉  
詩道嘗一昌  
矣自公下地  
寂寥無聞余  
每深既於斯  
閑居  
多暇方衰公  
手澤爲卷得  
公山中竹醉  
日感  
舊寄贈之作  
輒追次其韻  
寫寄其嗣子  
壽父  
孫壻吳立夫

倚嗟巖南叟  
又化冥漢君  
巫陽不下招  
宿草荒秋雲  
篇章一二在  
旖旎揚餘芬  
誰昔開雅頌  
世方踈典墳  
重此窺制作  
帳焉遠興群  
道散五十載  
于今歎弥文

巨窮積石原但涉九河濱不知黍雖降遂及東門粉  
公誠後死者幽明已中分絃歌三百首烈火豈俱焚  
向余忝未至於茲愴前聞嘉穀雖屢歉旱苗猶足耘  
嗚呼召公臣閔下如蒼旻胡不扶雅道廓然蕩埃氣  
公詩載揚熙與世析朝醮

氣

十一月十六日爲仙華先生寓祠植碣于其  
墓北化城僧舍埋之交友咸來會祭歸而成  
詩用識斯事

先生隱仙華卒爽仙華麓淒其十霜露墓草今幾宿  
未惟不朽事誅行當有屬業鉅自宜宜久才微豈堪服  
重予師友義黽勉承記錄鋪葉雖弗工序迷皆可覆  
平生有道碑此筆知不辱但嗟無繅藉吉薦忝嘉玉

成碑懸空後合置庭之曲柰何荒阡中風日所飄暴  
乍可牛厲角敲火防童牧十夫昇致之寄幕託僧屋  
并爲近墓祠軒泉薦寒菊交朋響然臻杖屨或不速  
意氣有歆動夫豈爲看菽茲山望其廬數里入陰谷  
離離紫翠閣應應盤游躅定應挾飛仙時來蔭雲木  
微吟應吹鶴高舉還騎鶴誰家松栢墳行鹿不敢觸  
運往無須吏夷墟已爲陸春花照黃壚有酒無茅首  
先生死布衣桐棺僅能束葆茲泉阿藏免彼塗芻蹴  
斯文在天地千歲如轉燭願其不亡者往過來已續  
雖微豕瘞文尚有藁克麓清詩數千篇一一汰魚目  
簡蒐付方來後死慚不穀藏之於名山斯言可予復  
秋往蘭溪訪吳正博錄事

終歲困拘繫出門欣有行策蹇輕百里駕言尋友生  
是節秋雨歇新霜初戒晴稻林朝日中絳幣綴珠英  
青山似爲我出此相逢迎雲卷原野闊潦收沙水清  
入嶺復出嶺江蹊抵微平古塔如枯椿冠山表孤城  
投館已曛黑昏燈照初更有形即有役百歲徒營營  
幸茲閑放日且無塵務嬰初非休所畏其來爲交情  
吾人文字歡至味若錮羹又若朱絲絃三歎有遺聲  
所以麗澤益展然君子貞學功苟堪補過時豈無成  
安得縮地法念來頻合併

寄題蘭溪州學挹翠軒貫子素使君題榜

庠齋小如舟雅與東峰對東峰動曾翠飄落楹戶內  
時春宿雨過芳事適已退松高或十尋草長將再倍

衆綠乘風來掩苒發朝采廣文曹務簡宴坐得神會  
長歌樂泮詩小息元戎隊白酒彼何功青山吾甚愛  
名軒以其實心賞惟有在枕藉山水間未省著闌闌  
斜陽隱江郊正與飛鳥背峰端片雲出舒卷亦多態  
誰持白髮蒼強挽明入晦人生郵傳耳百歲幾更代  
不朽不在名毋庸嗤湛輩

五月十一日塵天後獨坐齋中感歎成詩

吾兒志端完不與短折類受命胡弗長災疾併爲厲  
始疴謂旋愈任冉半暮歲豎來爲我言咎證在肝肺  
飲齊兼涼溫補肺瀉肝氣善方無竒功蓋有利不利  
數宵竟增劇一語無惴畏藥食方在咽冥然如大寐  
兒年才十三羣之具成知雖微警敏姿強孳差有志

八齡入講肆，忼惕不一二。何嘗踈筆墨，頗似好文藝。  
吾宗久衰落，望以無失墜。咄哉桑榆晚，見此芝蘭悴。  
三世攻詩書，樹德有餘地。中間從薄宦，常恐負明義。  
庶期孫曾成，食有不斂穢。兕生亦何爲，天固予術慧。  
不令悅吾老，忍更奪之易。中殤札有服，弔哭當爲位。  
老吾今望七，就木身如寄。愛兕若愛苗，盼<sub>二</sub>俟成穉。  
將秋忽斬艾，造物果吾棄。廢放安足嗟，衰頽復誰慰。  
坐齋日方永，清風歷軒砌。長歌瘞矢詩，哀深得無淚。

王叔能尚書招遊虎丘，歸而有作。

闔閭藏<sub>二</sub>處白虎，卧其丘。殉葬劍已化，金精猶上浮。  
秦強事<sub>二</sub>穿伐鬼功，協人謀。剗腸裂青壁，漉髓發寒流。  
樹色不知古，蛟龍鬱相繆。蜿影入深窈，鐵花綉吳鉤。

供庖縷汲餘，千人宜浣漱。生公昔諸經，聚石<sub>二</sub>點頭。  
至今盤石上，法雲垂蔭麻。寶坊何年建，陵虛出飛樓。  
北牖俯平楚，西軒延廣疇。登臨小吳會，万象一目收。  
韋白題詩後，物華厭彫鏤。何哉<sub>二</sub>幽獨君，宵然遺清謳。  
茲山起原隰，歸形如覆甌。我疑星遊空，墮地得長留。  
不然駕海來，六鰲爲載輶。現成股舫臺，示以聞思脩。  
客過閭門西，看山幾回眸。是節風日美，招携有扁舟。  
旋擢午影亭，繫籬野陰稠。行酒進熱啜，飲闌歸學道。  
詞客思如雲，尚書氣縣秋。吾衰落入後，枝瘠記斯遊。  
謬誤尚可艾，蕪穢焉能瘦。

袁文清墓下作

十年清酒絲不到，文清墓遙<sub>二</sub>許劍心。夢寐傷遲墓。



千里來東州九旬縻逆旅諒哉生芻束耿々復誰語  
空懷郭林宗不見王文度山風吹空林更絕重湖去  
草堂林藏主得徃年黃晉卿吳正傳張子長  
北山紀遊八詩裝漢成卷要予繼作因追叙  
舊遊爲次其韻增諸卷軸

禪堂生莫寒客至不成宿岩雲忽飛墮深灯出他屋  
仰見星斗高闌干轉空曲

靈源

半陂純浸山山空時見景光禪行道處水木餘淒冷  
文字豈其機無言坐移頃

草堂

高高三洞門中天開積翠陰火發晶熒坤珎稜竒悶  
仙靈鄙下來歸吾此焉遲

三洞

塵飛天宇空去石破岩古萎花吹微香林端夜來

雨語客莫題詩山靈忌多取

鹿田

到寺取徑危穿林限沮如井氣升爲雲篁竹高於樹  
清風翼我興納屨下山志

寶峯

德人久歸泉何異舟藏壑僧廬出榴翳楹桶亦頽落  
回望芙蓉城雜花春漢漢

潛岳

言尋磊磊亭躡雲隨上下澗回洄微流山空答遙響  
我已後斯人寡哉得真賞

山橋

餘春不可挽風花吹滿路向來一宿覺竊語知其處  
却望北山南城深晝多霧

寶石

九日試院諸友小集分韻得口字

今年秋意深閑門作重九輕拈糝菊杯強沃談經口  
森然奎壁光殘星暎珠斗文字入樞衡在縣不在手

我豈能重輕銖兩差可否舉手謝西風此心如此酒  
出試院諸友小集湖中分韻得淡字

棘園坐踰月滯思入重坎今晨始超然放舟事遊覽  
前林卉木清後岸風日淡雲開兩峯出秀色手可攬  
嘉茲十二友夙昔共鈇槩搯袂將語離漂萍易增感  
舉醕屢飲醇實釧還薦醯歡意方未闌夕陰浮暎慘  
吾人許予心初豈異肝膽所志續鸞膠毋徒嗜昌歎  
向風竊有云君當一笑頷

王繼學侍御將赴南臺僕自山中來城候餞  
辱惠近詩輒借韻叙別

龍劔久不試精金生繡翹谿工一磨瑩光射秋濤碧  
几物要有真厚形非薄積所以君子心知人恒不失

嗟予始從公深眷蒙引翼追惟三接晝何啻十朋益  
羈窮若相累進寸退已尺徒將鹿豕將企望鸚鵡集  
鄉部屬建臺登門恍如昔煌煌執法星照影秦淮白  
蘭舟曉當發離恨焉能釋獨憐蓬藿深永與雲霄隔  
衮衣早歸來申歌歌赤焉寫

題蘇長公書曹侍中與王省副論趙元吳事

古人善觀人其孚如眠龜後是數十年理事可逆推  
何嘗爽分寸自足制盈虧夏童昔跳踉勢將撼邊垂  
生子實不令貌求惟有幾虎欲既逐逐狐行亦綏綏  
于時曹侍中中山擁旌麾相逢輜軒使王驥貳三司  
謂言國若鼎寘安毋易危人才出試可邊患稔愆違  
消壘必思豫恃吾有足支西樞本兵地舉網振其維

遲當屬之子在子究哄施駿雖踐樞筦夏強適斯時  
謀弱遂弗振斥去乃其宜億言不幸中國豈終莫醫  
坡翁忠義人聞之爲愕貽寫寘尺紙中示作垂世規  
流傳百年後引貫珠累又清夜一發楮光晶射南箕  
我觀與衆異慨今誰致之自古恭治世守道在四夷  
濫觴起毫芒流未誠渺泚猗那久不作國蹙柞已移  
展卷懷所欽淒風振庭枝

十六夜望月蝕陰兩不見

三五秋正中既望月當蝕公庭脩救事撻金控鳴鐃  
喧拏走兕釋發召徧巫現我時適未寢披衣步簷隙  
飛雨洒面來空雲稍如幕天應變厥妃恐懼遭掩抑  
仗此豐隆威角彼妖蠶力譬諸藪藏疾含穢惟汝德

兩曜駕兩輪安行各適職柰何啖食凶湏臾成毀壁  
見過雖有懲匿瑕乃無迹雨非黨蠶者爲天護精魄  
常情惜良夜良夜安足惜德刑與陰陽配對初不逆  
星辰繫天步磨螳汜塵塵圓顛示無爲蒼蒼垂正色  
稽首父母光千人萬人覲

讀漢史

博陸在漢庭受遺能效忠擁幼建皇極庶幾社稷功  
惜哉惜學術悵漆無有終不知閑家吉卒蹈覆餗凶  
白日麗天行過吳已非中雖微駮乘嫌固足戕其宗  
獨時休屠儲子任同識不同抑畏秉臣節不受通侯  
封謂臣外國人族王若羣工詎以旃毳習屈此禮義  
風薦進後其黨志冲言乃維子孫社報厚七世食勲

庸人才如百穀並收成歲豐立賢果有方湯治何由  
隆穿穴有攸隙累善至於崇漢法雖峻厲虞機繫其  
逢春秋貽典則朗鑒雙眸空廢書起歎恩豈獨慙人  
窮

送張典史赴江寧

太微執法星下臨維石城城中治兩縣珠光聯玉繩  
仰承澄清軌順撫疲瘵氓地大故物衆姦端乃橫生  
爬梳方費日更復事將迎簿責亦詬病厚誣俄近刑  
况茲朱墨曹走趨候門屏罄折如不容尚憂遠指令  
蓋天銓鑑宗職在賢公卿南端操國秉招招有虞旌  
士以才自致筮云艱則貞霜風不淒厲詎縱垂天翎  
盤錯別利器神鋒發新硯張君懷牒志佐縣得江寧

江寧簿書叢堆案來相仍敏手試料理即見訟牘清  
仕導若塵級淹時觀序升祿食三十載未博一衫青  
遷秩雖左次考第當視成小住期月爾快陟天衢亨  
古人重難進每用謙治盈故能終器業挺然居盛名  
春華非不佳寒松有餘榮觴菊酌君別慎哉千里行

題姚文公草書杜詩

草書貴神雋不在加銛鋒端如孫吳兵善守亦善攻  
合正當勝勝篆出奇思變通汎觀造化初足想楫結工  
柳城文獻家奧學自爲宗遊藝踐張素希風盛咸戎  
褰開大雅堂倒瀉雲夢胸朝光出帝背百文飄晴虹  
早勢已振突餘吹尤長雄山獮舞幽窟河伯開泉宮  
收采不一二恠珎溢其中昔公富清覽弭節匡廬峰

峰前羽章館敷坐紫炮重雪繭晞淨月醮毫挹飛硯  
松風助揮灑能事不匆匆却後三十年劍化無留蹤  
易名陪末議私竊百世公展卷三嗚呼企公其猶龍

公之草法得於伯父左丞公  
而此卷作杓廬山太平宮

宗忠簡公畫像爲公外曾孫葉深道作

近古杜稷臣生世常不數不能半五百繼見已超卓  
炎運昔中否兵氣纏大角掩蒺藜薄日黃張弧北風惡  
起公滄陽節仗以障河朔懇懇存趙忠憤極涕橫落  
扶義亟西征敵愾爲小却佐興靈武功受任留宮鑰  
主辱臣則何國勢滋以削回鑿累十疏言諄聽殊藪  
一死不貸公百壬吁可怍企公如列星宵光仰昭灼  
幾葉外曾孫傳世春秋學手圖起予觀言自崇勲閣

士稚雖則亡隨會尚堪作蹙國令吏非雲飛天一握  
誰能挽江漢爲公洗河洛

梁谿謠贈盛高霞道士

梁谿一片月搖蕩綠蘿烟玉女採珠回駕龍耕壁田  
春去竹花實歲深芝草駢鳳皇招不下遲景惜留連  
却望白雲嶠明星正當天雲中青童君招麾使之前  
謂言寶訣書列在瑤臺編蚩尤守扃鑰一閱三千年  
至今海嶽間光氣常蜿蜒茅龍亦解飛金匱豈徒堅  
引手探玄榮得之可登仙首路向恒碣西窺臨嶽蓮  
天壇見日出皓鶴共蹁躑行攀飛狐塞回薄扶桑淵  
滄溟挹不滿石廩小如拳還尋屏風疊鼓柁陵中川  
調笑呼陸羽濯纓第二泉但聞丹齊成不見朱顏遷

顥露薦承液雄虹為采擅上下八景中皆然觀化先  
何必肩洪崖遂將儕俚佻寧能獨不死為我啓真筌  
大還容草創小劫度沉綿桂枝倘堪結遙贈遠遊篇

度馬嶺將適烏傷

輿轎陟層巔綫蹊若縣絙先登步尤踟後挽行益艱  
履危不數仞避險輒多盤三石立於獨累寘若為安  
使非五丁力誰其鑿躋岼松邊取一息影動浮雲端  
躍靈却在下身今插飛翰冷風掖車興青露向空溥  
不知日馭側但覺天宇慳俯視萬廬落井幹湧微瀾  
青林綴坳垤新霜變未殷客塵將盡歛真境迺徐還  
窈窕蓋壤內開闢有此山何年畫疆色罔密屬連環  
鳥道劣容跡人獸為通關旅行負薪繁魚貫勤牽攀

十步九顛躓肩頰汗流丹彼誠謀口給老吾迫衰孱  
胡為事茲役荒遊起孤跼放情思脫兔引手招翔鸞  
復恐血肉軀容易墮榛菅山靈若鑿我澗聲助抨彈  
寡哉不遠復脫粟有餘餐

過哭亡友傅景文墓

傅子於為詩其氣嘗逸發東之就聲律鞞條繁生鶻  
眉山正令中殺伐機更活在藁數百篇一一無揀拔  
佔畢老于行妻帑窮至骨晚塗從祿養歲月已飄忽  
歸葬此丘樊宿土蓬科沒嗟予負明義不得臨紉紉  
過車一慟已林風鳴窸窸佳我承宗子堂構方突兀  
封培緊有自神理固無拂因知鐘釜羸初不棄圭撮  
交情等肺附悲喜兩相戛流為掛劔謠庶以開鬱塞

過錢清浦陽江由

浦陽配三江猶以小絜大我家其始源涓流激湍瀨  
到茲直達海混混百川會歸墟豈其豐出坎亦非殺  
羸縮惣一如真源自濤沛浮舟絕江津浪觸銀花碎  
朝曦如青蓮升光破烟靄歸雲回望長鴻飛渺天外

望會稽山

城東鑑湖道水光翻夕鷗雲破青蘿靡稽峯芝掌浮  
悠然動予矚玉女開明眸固知穴可探却恐書難求  
蒲蓮浩如海微風挾輕舟前山與後嶺道從森幢旒  
誰張北斗旗漸進東瀛洲桂枝倘堪折衰白媿重游

月夜下通明堰

挽舟下通明初宵落潮後兩挺絕負輓十夫齊奮肘

引重如舉虛欵過姚江口細水不生鱗月色金光走  
蟹窟在蘆根西風吹澤數開蓬挹微涼衆黔予白首  
欲持浩浩歌往和鳴鳴在隔雲呼長星勸汝一盃酒

過龍山不得留至車廐却乘小艇至門

矯首上龍山翠氣深盤盤松雲制局鑰沙月轉灣深  
沿沂二十里回櫓容扣關山中宴坐人閱世如翔鳶  
十年不同夢笑迎發清歡浣我塵土面對君冰雲顏  
吾生大自在眠食儘輕安爲作十日留閑看飛鳥還

中秋看月有懷正宗

前庭竹栢間月露浩如瀉此景不可孤脫巾坐其下  
露氣挾清華月光穿隙罅明河耿在天動影兩相射  
忽如龍洞中蒸雲雨初夏又如澄江路殘雪在林野

我時病少蘇久已謝盃掌移床著圓蒲小怠容枕藉  
只愁大孤絕翫翫不堪把觸屏僕已僵照壁燈將地  
絡緯鳴四簷細聲如合雅前身我不知豈亦飢吟者  
淒々感離別切々懷保社嗟吾風雨交會合何其寡  
有形即有患孰者非空假去年東海頭勞筋寄禪舍  
是節秋正中褰簾掃風榭正見金背蟄冰輪捉高駕  
激灑煮松濤丁東響簷馬倒橐無生忍談餘猶炙輶  
染指蜜中邊如啖得牛炙再秋未闊踈為生故閒暇  
惟餘懷友情不與凡物化逢憑夢中夢寄訊楞伽夜  
翔游卷中有句云成吾看山福豈不在老大  
此拙者早退之符也然青山獻秀白日延景  
羹糗足飽寵辱兼忘山中之樂殆不過是而

福則吾不知之也歲晏苦寒孤坐無憊用其  
句為韻賦十短章以自信先示戴生間或貽  
諸同志

漫郎豈不仕而多山水情中懷不遠復束身返農耕  
陳力嗟既老食功遂無成飲水讀吾書處困維必亨  
粵初賢科廢吾年類童烏承家有佔畢衿佩亦朋趨  
同時執業人十九為丘墟傲兀憂患中塊獨餘今吾  
本無青紫植偶塵文石班鷄梁濡其翼愧此頭上冠  
幸保清淨退苦節諧所安山吾耐久交隱几澹相看  
祥麟狩而獲僅與犬羊般所不如孤豚在檻猶在山  
應龍廼真智天飛薄玄間噓雲自為神施澤何嘗慳  
蜜袂縫我衣厚瑾塗我屋食口相煎熬歲計幸中熟



兒童向我言負智寧負腹赫：起近名容：滋我福  
昔子輕世事飲酒思樂豈老衰負初心顏髮日以改  
酒能亂人性強止中自悔飲少固陶然吾心寄千載  
一瑟混百竿衆然予獨不是意豈無傳正聽非妄受  
聖作不必云肇自孟荀後韓歐望百世仰者若山斗  
紫陽繼禹功導川至于海吾鄉三夫子派別原有在  
斯文兩曜張羲娥自相代耿：邈小明後死吾敢怠  
行藏常事耳吾以易自考係邈与敦臨何莫不由道  
物理數中齊年華客邊老白髮對踈梅持以相媚好  
揆時不相先掄材徒亦大吾世屬多艱學絕將無柰  
逝者莫予追未來寧寡和衛道固有人惟無抑之過  
柳待制文集卷之二

